

قصة

بحر الدم

إبراهيم توفيق

الطبعة الأولى

الكتاب : بحر الدم

المؤلف : إبراهيم توفيق

تصنيف الكتاب : قصة

تصميم الغلاف : محمد جمال

المقاس ١٢ × ١٧

رقم الإيداع : ٢٠١٥ / ١٣١٠٥

الترقيم الدولي : 3 - 071 - 776 - 977 - 978

التجهيزات الفنية والطباعة

دار يسطرون

للطباعة والنشر والتوزيع

طباعة وتوزيع الكتب في جميع أنحاء العالم

المكتبة والمطبعة : ٣ ش صفوت - محطة المطبعة

شارع الملك فيصل - الجيزة

جمهورية مصر العربية

٠١١٥٧٧٦٠٠٥٢ - ٠١٢٢٩٣٠٠٠٢٩

تصميم و إخراج : أحمد عبد الحليم

رئيس مجلس الإدارة : عماد سالم

جميع الحقوق محفوظة

مقدمة

بسم الله الرحمن الرحيم .. قال الله تعالى (إن الذين توفاهم
الملائكة ظالمي أنفسهم قالوا فيم كنتم قالوا كنا مستضعفين
في الأرض قالوا ألم تكن أرض الله واسعة فتهاجروا فيها
فأولئك مأواهم جهنم وساءت مصيرا) سورة النساء ٩٧
على الرغم من امتداد شريان النيل ألف كيلو متر في
الوادي الخصيب من الجنوب إلى الشمال على مرآلاف
السنين.. إلا أنه لوحظ كلما ضاق الوادي ضاقت
الصدور وقلت الأرزاق وزاد الصراع على الأرض في
صعيد مصر، وهاجر الكثيرون من الصعيد إلى القاهرة
ومدن الدلتا والإسكندرية باحثين عن لقمة العيش، ورسخ
حائزي وملاك الأرض الخصبة المتوارثة من سابع جد،
وتمسكوا بالأرض، فالأرض عندهم من العرض والعرض
شرف لا يروى إلا بالدم وسالت بحور من الدم في أوج
الصراع على الأرض والنفوذ في صعيد مصر وأصبح

الثأر أحد أهم ملامح العادات والتقاليد فى صعيد مصر، ولكن كان هذا يعد مقبولاً كسنة وشريعة فى سنوات غابرة حال غياب القانون والدولة أما اليوم فهناك دولة وقانون يطبق على الجميع .. يجب أن نؤمن بأن أرض الله واسعة ومصداقاً لقول رسول الله صلى الله عليه وسلم عن ابن عمر قال: قال النبي صلى الله عليه وسلم: (لا يزال المسلم فى فسحة من دينه ما لم يُصِبْ نفساً حراماً) أخرجه البخاري

وأردت من خلال هذه القصة أن أتناول الثأر كعادة بغیضة تورث الحقد والكراهية عبر عقود وأجيال .. أما أن الأوان أن نحتكم لكتاب الله ونؤمن بأن الحاكم فقط هو المنوط به تطبيق الحد.

إبراهيم توفيق

حكايات الجد والأرض الخضراء

وجه الحقول والنخيل والأرض الخضراء، يضحج بالحياة ويرسم الأمل على الوجوه العائدة، حيث اقترب اليوم من نهايته، وسارت الشمس تجمع أمتعتها لتفسح المكان فى السماء الرحبة إلى وجه القمر.

فى الخيمة القريبة من مجموعة من النخيل المتعانقة فى ارتباط وثيق يدل على الحب .. يتحدث الجد الكبير، كبير عائلة الهرايدة، تلك القبيلة ذات الأصول والتاريخ الضارب فى عمق ريف الصعيد بكل ما فيه من عادات وتقاليد وأفراح وأتراح وآراء عنيدة متشددة تصل إلى حد العقيدة التى لا تهتز ولا تلين أو تتغير، حتى وإن تغير الزمن وتشكلت خطوط الحياة يتحدث الجد إلى ولده "عبدالرحيم"، الولد الأكبر الذى يعده الجد لعمادة القبيلة والعائلة، عائلة الهرايدة، ذات الاسم الذائع الصيت والذى يتردد فى الأرض والفضاء مثل صوت الرعد والبرق والظواهر الكونية المختلفة، حيث تؤمن العائلة وتعقد

إيمان الأقدمين وعقيدة القدماء، كما لو كانت نقوش ورسوماً إحدى الأسر الفرعونية القديمة التي يقدم لها الجميع القرابين وتظل التعاويذ راسخة رسوخ الجبل الأصم. الجد يتحدث إلى ولده ”عبدالرحيم“ عن الماضي الأليم والصراع الكبير الذى يدور فى الأرض، حيث النزاع القائم والمستمر بين عائلة الهرايدة وعائلة الجعايدة، وهى الخصم العنيد واللدود الذى يقف فى ساحة الأرض فى مواجهة الهرايدة ويؤرق أحلامهم فى بسط نفوذهم على امتلاك الأراضى والاحتفاظ بزعامة القرى والعائلات المجاورة. يقول الجد: دي الوقت عاوزك يا “عبدالرحيم” يا ولدى تصحى للكلام بتاع أول امبارح اللى قلتهولك وأكدت عليك فيه .. فاكره يا ”عبدالرحيم“ .. فاكره يا ولد؟! “عبدالرحيم”: فاكره يا بوى .. فاكره جامد .. وصار حلقة فى ودنى.

الأب : أنا قلت إيه .. سمعنى كده .. قول يا ”عبدالرحيم“.
عبدالرحيم: قلت يا بوى الأرض .. الأرض .. الأرض يا ”عبدالرحيم“ .. تكون كلها تحت حكم الهرايدة وكل شبر مش ملكنا يبقى تحت أمرنا واحنا اللى نحكم

ونرسم بس .. مافيش غريب يهوب ناحية أراضينا ..
ولا فيش حد من عيلة الجعايدة يفكر أو يحلم يعدى من
ناحيتنا .. واللى يفكر أو حتى يحلم يبقى عليه السلام.
الجد: تمام يا "عبدالرحيم" يا ولدى .. براوه عليك أهو
دي الوقتى أنا مطمئن عليك وعلى العيلة .. واتأكدت انك
واعى ومفتح ومصحح تمام .. عاوزك بقى تبعت لى
الولد .. كل الولد الصغار فى العيلة .. لاجل أحكي لهم
حكاية الهرايدة والجعايدة لاجل يعرفوا مين همّا الهرايدة
ومين همّا الجعايدة .. عشان لما يكبر كل واحد فيهم
يبقى مذاكر الدرس تمام وعارف أصل الحكاية .. لاجل
ما يرفع راس الهرايدة ولما يتكلم فى أى مكان يعلى
صوته ويقول أنا من الهرايدة .. أسياد الناس .. وأجدع
الرجال .. أمال إيه .. هو فى الناحية دى كلتها إلا
الهرايدة .. لأ مافيش .. والدينا كلها عارفه إكده .. ياللا
يا "عبدالرحيم" .. روح يا ولدى .. وابعت لى الصغار.
جلس الأب يتلفت حوله داخل الخيمة الكبيرة الملونة
بالألوان الباهتة التى تدل على صلابة الحياة وسخونتها
فى صعيد مصر. أحضر الأب بعض جريد النخيل ثم

وضعه فى وسط الخيمة وأشعله. أخذت السنة اللهب تتصاعد من كومة الجريد بينما أقبل الصغار من بعيد وهم يتحدثون فرحين بقاء الجد الذى اعتادوا منه سرد الحكايات والحواديت الشيقة.

اقترب الأولاد من الخيمة ودخلوا جميعا قائلين: السلام عليكم يا جد.

رد الجد السلام مُرحبا بهم، ثم جلس الأولاد فى حلقة مستديرة حول كومة الجريد المشتعلة وقال الجد: بعد ما نشرب الشاى .. أحكي لكم الحكاية.

صاح الأولاد جميعا فى لهفة وشوق عارم، وقال أحدهم: يا سلام يا جد على حواديتك الحلوة .. دى حلوة قوى يا جد .. دى ولا البغاشة أم سكر .

وقال ولد آخر: دى كل حكاية من الحكايات دى يا جد .. عاملة زى الأفلام بتاعة السима .. والحكاية اللي بنشوفها فى التلفزيون .. وانت لما بتحكيها يا جد .. بنحس إنها حكايات حصلت بصحيح .. وكلها جد فى جد. ضحك الجد فرحا بالأولاد وهو يحتضنهم ويربت على كتفهم ويُقبلهم الواحد تلو الآخر، ثم خلع عباءته

الملونة الفضاضة، وجلس بجلبائه الواسع أمام الأولاد
قائلا: اشعل النار يا محمد .. علشان نشرب الشاي.
يجرى محمد وباقي الأولاد معه يجمعون الحطب ويضعونه
في كومة وسط الأرض، ويأخذ الجد علبة الثقاب، ثم
يشعل النار في الحطب، بينما يقدم أحد الأولاد وبيده
براد نظيف يملأه بالماء ويضعه في وسط كومة الحطب
المشتعلة، ثم يستخرج من جلبابه كيسا من أكياس
الشاي، ويفتح غطاء البراد ويضع حفنه من الشاي،
بينما يتحلق الأولاد حوله في حلقة واسعة تشبه حلقة
الحاوي الذي يقدم الألعاب ويبعد السحر وفنون الأغاز.
يتحدث الجد - وعيناه تتابع براد الشاي- إلى الأولاد:
النهاردة راح أحكي لكم حكاية جديدة يا أولاد .. ومهمة
قوى .. وتهم كل واحد في العيلة .. الكبير قبل الصغير.
يقول الولد محمد: يااه يا جد .. للدرجة دي مهمة قوى.
الجد: أصلها حكاية حقيقية يا محمد .

ولد آخر: حقيقية يا جد.

الجد: أيوه يا ولاد .. حكاية تهمنا كلنا .. وتهم القبيلة كلها.

الولد: دى حكاية إيه دى يا جد؟

الجد ناظرا إلى البراد الذى أخذ البخار يخرج منه فى موجات متتالية قائلا: هات السكر يا محمد والكوبايات. محمد: حاضر يا جد.

ثم يحضر الأكواب من داخل الخيمة التى يجلس أمامها الجميع، قادمًا نحو الجد الذى يطفى لهب النار، ثم ينزل براد الشاى من فوق النار واضعا الأكواب بعناية وملاعق السكر، ثم يصب الشاى. الجد: النهاردة يا ولاد راح أحكى حكاية كبيرة قوى .. ومهمة قوى .. حكاية يعرفها الكبار إن كانوا رجال والا حريم .. إن كانوا بعيد والا قريبيين .. إن كانوا مسافرين والا موجودين. ولد: يعنى أبويا "عبدالرحيم" عارفها يا جد.

الجد: تمام يا محمود .. عارفها وحافظها جوه قلبه وفى عينيه. الأولاد: طب قل يا جد واحكى .

الجد: كل واحد فيكم عاوزه يقطع ودانه ويفتح عينيه معايا .. عشان يعرف الحكاية ويفهمها تمام. الولد محمود: ماشى يا جد.

الجد: حكاية النهاردة هي حكاية العيلة عيلتنا .. عيلة
الهرايذة .. وعيلة الجعايدة.

محمود: الجعايدة دول وحشين قوى يا جد.
الجد: ماهو لما تسمعوا الحكاية هيعرف كل واحد فيكم
ليه هما وحشين .. ووحشين قوى كمان.

الجد: فى يوم من الأيام يا ولاد وانتوا كنتوا لسة ماجيتوش
فى الدنيا .. والكلام ده حصل فى عهدنا احنا يا كبار
.. كان فيه ...

تنبح الليل

يظهر فى هذه الأثناء شبح رجل يقترب من مدخل الخيمة متوجسا فى خشية وحذر ، يتحسس طريقه ناظرا متلفتا نحو الخيمة، ثم نحو الحقول .

من بعيد نجد الابن "عبدالرحيم" قادما فى عجلة، مما يجعل الرجل يسرع فى الاختباء مبتعدا عن الخيمة. الغيوم تملأ السماء فوق الحقول، ربما لا ترغب فى الرحيل أو مزاولة نشاطها اليومي، حيث تمطر أحيانا لتأخذ نصيبها من عمل اليوم.. لا لا تريد، بل توقفت لترصد الأحداث، وربما كانت تشعر بشئ خفى أو مجهول يحمل بين طياته حدثا قادما وقدرا محتوما لكن الحياة تسير هكذا يتحدث الناس دائما قائلين: الحياة تسير سواء بالخير أو بالشر. الفلاحون فى الحقول يعملون، ثم يتوجهون بعد العمل إلى منازلهم فى القرية الصغيرة التى تضم الجميع، من يملك الأرض ومن لا يملك، من يعمل أجيرا فى الأرض، ومن يعمل فى قمائن الطوب

الأحمر، الجميع يعملون، وكل منهم يعيش الحياة ويحلم
منتظرا نور الفجر دائما، وهو لا يعرف ماذا يخبئ له
الغد؟ وماذا يحمل له القدر؟ ولكن البعض لا يدع الحياة
تسير كما يريد الآخرين، بل يفضل أن يقف في وجه
القدر، يرغب في الانتقام، مسترجعا ليل الماضي الأليم،
والذكريات المرة، لم يفكر يوما في الذكريات العطرة،
والأيام الجميلة التي حملت رحيق المودة وعبير الحنان،
كيف كانت البراءة و لعب الصغار من كافة العائلات في
حب بالغ وعفوية، تخلو من الحقد والشر، لم يرتفع أحد
منهم إلى أطماع، ولم ينخفض إلى كراهية، كانوا يلعبون
ويمرحون كما لو كانت الحياة ملكاً لهم جميعاً. بعيدا
عن صراع الكبار الذين يحملون الضغائن فيما بينهم.
يظهر شبح آخر لرجل آخر من بعيد، ويشير إلى الأول
الذى يشير له بإصبعيه، فى إشارة سريعة صامتة نحو
الخيمة التى يتحدث فيها الجد للأولاد، بينما يقترب
”عبدالرحيم“ رويدا رويدا حتى يظهر واضحا للرجلين اللذين
يظهران، وعندما يقترب ”عبدالرحيم“ داخل الخيمة، يطلق
الرجل الآخر عدة رصاصات نحو الخيمة، وينجو الجد

بأعجوبة بعد إصابة سطحية، بينما يخرج "عبدالرحيم" مسدسه فى محاولة لقتل الرجل، لكن الرجل الآخر يعاجله برصاصات متتالية، ثم يهرب، يسقط "عبدالرحيم" جريحا و يزحف على الأرض، والأولاد حوله يصرخون. يأتى الرجال من كل صوب من الحقول، يتحدث أحدهم: لازم حد من الجرايدة، أو من الجعايدة.

يتم نقل "عبدالرحيم" بسرعة إلى مستشفى أم المصريين فى الجيزة لخطورة حالته، وفى الليل يأتى الناس من جميع الأنحاء للاطمئنان على الجد و "عبدالرحيم"، وتؤكد على ضرورة الانتقام، العين بالعين، والسن بالسن، والبادى أظلم. هكذا قانون الحياة فى هذه البلاد ودستورها الدائم، الذى لا يخضع إلى تعديل أو تطوير، بل يتأكد فى كل مرة وكل حادثة، بينما يشعر القتلة أنهم ظفروا بكبير العائلة، وحققوا صيدا ثميناً سوف يهز عائلة الهرايدة، لكنهم لا يدركون أنهم قد أشعلوا نارا لاتتطفئ.. نارا ستحرق القلوب.. أمهات تكلى.. وترمل زوجات وتيتم أطفال، نارا لاتبقى ولاتذر عندما قتلوا كبير الهرايدة .. الهرايدة الذين لارماد لنارهم، فهى بركان يحرق الجميع، إنه العقل الضرير

الذى لا يعلم ماذا يطرح من شر ودمار، هذه عائلة، وهذه عائلة، هذا يقتل، وهذا يقتل، هذا فاقد للحكمة والنصيحة ولا يعترف بالقيم والمعتقدات النبيلة، ولا يستمع لرأى الدين، كل هذا لا يلتقى ولا يتوافق مع هذا الفكر القاتل المدمر الذى يحيل الأمل إلى يأس والحياة إلى موت.

فى الليل تجتمع العائلة وسط الأحزان لتطمئن على الجد المصاب، وآخرون يشدون الرحال إلى مستشفى أم المصريين بالجيزة للاطمئنان على "عبدالرحيم" .. وعلى لهب الناس يلتهب الحديث الذى يتناقله الجميع فى شراسة مطلقة تعانق الكبار والصغار، لتزرع الحقد والكراهية فى النفوس البريئة قبل أن يشتد عودها، وتؤكد على الشر فى قلوب الكبار التى أدمنت الدم والخراب.

الحديث يطول ويتحول ويتلون كاشفا عن لوعة الفراق، فراق الجد... عمود الخيمة كيف اختطفه الموت فى ليلة سوداء كأن طائر الليل الحزين أرخى جناحيه على أرض الهرايدة، فلن تسطع شمس بعد اليوم ولن يسقط القطر .. الدم... والدم فقط هو ما يقشع تلك الغمامة تآرا لكل نقطة دم، وطائر الموت فاردا جناحيه كطائر محلق مثل

الغراب يحوم حول الابن "عبدالرحيم"، مؤكدا مشددا على فيضان الدم فى أغنية الموت، الدم وحده هو الحق والحقيقة، هو الأمل والغد والمستقبل، إنها عقيدة الموت التى يصونها الدم، الدم وحده هو أنشودة النجاة ورحلة التحدى، فمن يقتل هو الفارس، هو البطل، والقائد الذى تحتفل به القبيلة، وترسم صورته فى القلوب والعقول، وتنقش سيرته على الجدران، ويردده الجميع فى عشق وبهجة. خرجت الشمس من صومعتها خلف النخيل، وأخذت تتجول استعدادا للرحيل، مال الأفق يتحدث إلى الفضاء حتى يتأهب لارتداء جلباب الليل (فى المقهى).

عم مرزوق الساتھ والحالہ

عند ذلك تحدث تامر إلى صديقه مرزوق سائق السيارة:
هذا ما كان يأسطى مرزوق، وهذا ما يحدث في قرينتنا.
بهت مرزوق مأخوذاً.. غارقاً في صمت موحش، ثم
انتفض قائلاً: لا .. لازم نقف شوية.

قال تامر: لماذا؟

قال مرزوق: لأن كلامك ده .. مش يوقف العربية .. دا
يوقف الدنيا كلها على رجل واحدة .. تعالى نقعد شوية
هناك في الاستراحة دي .. ناخذ نفسنا .. ياه .. دي
مش دنيا .. دي لعنة!!

ارتشف "مرزوق" الرشفة الأخيرة من كوب الشاي، ثم
تحدث مشفقاً على "تامر" في حنو شديد قائلاً: لا .. دي
مش عيشة .. ومش دنيا .. ومش حياة .. دي ضلمة
وسواد .. وليل مالوش آخر .. ولازم يكون فيه حل.
تامر: حل .. بتقول حل.

مرزوق: طبعاً .. لازم حل .. زى كل شىء ما له حل ..

لأن حياتك كده مش ملك.

تامر: أمال ملك مين؟

مرزوق: ملك الشيطان اللي فاتح حنفية الدم على طول ..
.. علشان يبقى بحر تغرق انت فيه.

تامر: وفين هو الحل .. وأنا أبوسه وأحضنه .. دلنى عليه!

مرزوق: الحل .. حاقولك عليه لما نوصل مصر .. لما
نوصل بإذن الله. ثم ينادى: يا ريس عايزين اتنين قهوة.
الرجل قادما: مضبوط زى الشاى؟

مرزوق: مضبوط زى الشاى .. عليك نور.

فى الطريق تتطلق السيارة فى سرعة، بينما تدق
ساعة الراديو لتعلن نشرة الأخبار وتأتى النشرة بأخبار
جديدة عن قتلى وجرحى جدد نتيجة عملية إرهابية.

تامر معلقا: ياااه يا بوى .. هو الدم ورانا ورانا!!

مرزوق: ماتقلقش يا صاحبى .. إن شاء الله .. هنخرج
من الأزمة دى .. وبكرة تقول أهى أزمة وعدت.
امتدت أصابع مرزوق نحو المذياع لتغيير المحطة،
ويستمعان إلى أغنية، يضحك مرزوق على أثرها قائلا:

الحياة كده زى الراديو ده .. فيها كل حاجة .. الأمل واليأس ..
.. الخير والشر .. النور والظلمة .. لكن المهم....

تامر: المهم إيه يا صاحبي؟

مرزوق: المهم احنا فين .. احنا فين من كل ده ..
وأى محطة هنوقف فيها .. ونحبها والا تكرهنا.

تامر: إنت سواق والا حلاق والا فيلسوف.

مرزوق: أنا .. أنا زى ما انت شايف .. أنا كل
حاجة ف حاجة .. وأنا فى نفس الوقت ممكن أكون
ولا حاجة .. ومين عارف يمكن أقدر أعمل حاجة.

تامر ضاحكا: والله انت بتهوّن عليّ يا صاحبي.

مرزوق: ماهو لازم أهون .. ولازم كل شئ يهون .. لأنه
لو ماهانشى .. احنا مش هنقدر نعيش .. أمال إيه؟
مش هنقدر نعيش.

تامر: واحنا عايشين أصلا؟!

مرزوق: احنا عايشين ومش عايشين.

تامر: إزاي بقى؟ دى نكتة والا فزورة؟

مرزوق: لا نكتة ولا فزورة.

تامر: أمال إيه؟

مرزوق: احنا عايشين لكن مش حاسين إننا عايشين .. لأن طعم الحياة مرزى العلقم .. لكن...!!

تامر: لكن إيه؟

مرزوق: بإذن الله هيتغير طعم الحياة .. وهيبقى... !

تامر: هيبقى إيه .. بقلاوة!!

مرزوق: وليه لأ .. بس الأول يبقى أى حاجة .. وحاجة فى حاجة .. نوصل لحد البقلاوة .. ماهو مافيش حاجة بالساهل يا حلاوة .. أمال إيه .

(لافتة فى الطريق تشير إلى نقطة تفتيش)

الضابط يتحدث إلى السائق: رخصتك وبطاقتك وطاير كده ليه .. وانت كمان هات بطاقتك.

يتناول الضابط البطاقات، ثم يحملق فيها، بينما يتحدث مرزوق: شفت يا باشا أصلنا مستعجلين علشان عندنا عيان فى المستشفى.

الضابط يتحدث إليه: مستعجلين والاقاتلين؟

مرزوق: ليه يا بيه: دا انا على باب الله سواق وحلاق

.. بس غير بس موصل الراجل .

الضابط: وماتعرفش ان اللي معاك من الهرايدة.

مرزوق: ودى فيها إيه يا باشا لا سمح الله.

الضابط: ماتقول له انت يا تامر والا هو ما يعرفش.

تامر: يعرف إيه يا باشا .. دا انارايح أزور أخويا "عبدالرحيم".

الضابط: أخوك العيان برضو والا المضروب بالنار
وبيتعالج فى المستشفى.

تامر: والقصد إيه يا باشا دي الوقت؟

الضابط: يا أخى اتلموا بقى وكفاية قتل ودم .. احنا بقينا مش
ملاحقين على حوادثكم انتوا واللى زيكوا .. خد يا اسطى.
ويعطيه أوراقه قائلًا: ياللا غور وخف السرعة لاتحصل
المقتولين.

مرزوق: متشكرين يا باشا .. إن شاء الله خير .. خير
إن شاء الله.

انطلق مرزوق قائلًا لصديقه: إيه الحكاية .. دا انتوا
مشهورين قوى .. ولا بتوع السيمما.

تامر: بتوع السیما ما حداهومش حد بیموت مقتول..
رصاصهم فشنك ودمهم بارد ویکاهم تمثیل فی تمثیل.. لكن
احنا رصاصنا ریحة البارود ماتفارقش هوا اللی بتتنفسه
ودمنا بیسیل وروح بترجع للی خلقها وجة بیواریه التراب..
تمثیلنا حقیقی وهو مشهد واحد مافیش فیة مرة تانیة.
مرزوق: قل الشیطان راکبکوا حقیقی .. لكن الممثلین
دی شغلتهم وأكل عیشهم .. أما انتوا... !!

تامر: أما احنا ایة؟

مرزوق: والله یا صاحبی مش لاقی وصف أوصفکم بیه
.. لكن عندی سؤال.

تامر: قل یا صاحبی.

مرزوق: إزای الواحد منکم بیقتل بالسرعة دی .. وتهون
علیه النفس اللی قدامه؟

تامر: اللی بیقتل یا صاحبی ما یفکرش .. لأنه لو فکر
.. مش هیقتل .. وأول ما صابک تحطه علی الزناد ..
كل شیء یبقی تمام.

مرزوق: القتل یبقی تمام.

تامر: أمال إيه؟

مرزوق: ولما القتل يبقى تمام .. أمال إيه هو اللي مش تمام؟!
تامر: اللي مش تمام إن واحد زيك مايعرفش يقتل ولا يستعمل السلاح.

مرزوق: أعوذ بالله يا صاحبي .. دا انا كده ١٠٠
فل وعشرة وربنا ساترها معايا قوى .. صحيح حكايتي
هاباب وطين .. وعيشتي ضنا وعذاب .. لكن ... !!
تامر: لكن إيه؟

مرزوق: لكن برضو باحب الحياة وباشوف الدنيا حلوة
.. وساعات أدلع نفسى كمان.

تامر: لكن انت بتقول إن حكايتك هباب وعذاب وضنا
.. أمال إزاي عايش ومدلع نفسك .. وبتحب الدنيا كمان.
مرزوق: شوف يا صاحبي .. كل واحد وله فى
الدنيا سكة وطريق .. وطريقه مكتوب عليه .. لكن
حكايتك انت دى ما وردتش على حد وماحدث
يرضى بيها ولا يوافق عليها أبدا .. لا بشر ولا جان.
تامر: والعمل إيه يا صاحبي وانت شايف إيه؟

مرزوق: شوف يا تامر يا صاحبي أنا ارتحت لك لما شوفتك وعرفتك من أيام ما كنا فى الجيش .. وانت فتحت قلبك وجبت اللي عندك وصعبت عليّ لما قربت أعيط.

تامر: تعيط؟ !!

مرزوق: أيوه أعيط عليك وعلى ظروفك السوداء دى .. لكن ربنا كبير وان شاء الله ينجيك ويمكن ربنا خلانا نتقابل تانى لاجل أكون السبب فى نجاتك من ظروفك السوداء والأهوال دى.

تامر: نجاني إزاي .. وإزاي تتجيني وتكون السبب؟

مرزوق: احنا قربنا من بنى سويف .. تعالى نريح شوية وناكل لنا لقمة عشان العيش والملح يعمل عميله كمان وكمان.

يبطئ "مرزوق" من سير السيارة حتى يقف، ويخرج الرجلان متجهان نحو مطعم قريب، تميل الشمس نحو المغرب، بينما يرشف "مرزوق" و"تامر" الشاي فى المقهى القريب من مدخل بنى سويف، ثم يأتى جرسون المطعم قائلاً: أى طلبات يا بلديات؟ أى طلبات احنا فى الخدمة. يعطيه "مرزوق" النقود، بينما يريد "تامر" السداد، فيضحك

الرجل قائلاً: إنت تدفع .. هو يدفع .. الجيب واحد،
والأخوة دائمة ان شاء الله .. ماتخلوها عليّ أنا المرة دى.

يقول مرزوق: ربنا يكرمك يا ريس.

ينصرف "مرزوق" و"تامر" ويتجهان نحو السيارة...
تتطلق السيارة فى سرعة بينما يتحدث "مرزوق":

وإن شاء الله لما نوصل هنروح المستشفى نزور
أخوك المجروح، والا هنريح شوية .. أنا باقول تيجى
معايا تريح شويه وبعدين نروح سوا نشوف أخوك.

يرد تامر قائلاً: أريح مين يا "مرزوق" يا اخويا هو
عاد فيه راحة بعد اليوم .. دا النهاردة راح ينعقد فى

البلد مجلس العيلة .. صغيرها قبل كبيرها .. حتى
المجروح اللي فى المستشفى .. راح يوصينى ويؤكد

على الأخذ بالتار، وحقه وحق اللي راح واللى
هيحصل من زمان ولحد القيامة ما تقوم .. دا تار يا

"مرزوق" .. تار ونار قايدة .. ما تخلى على الأرض
حد إلا ما تصيبه .. ويا ويله اللي يقف فى سكتها.

مرزوق: يا ساتر استر يا رب .. استر يا رب .. وهى دى
عيشة .. والا تبقى عيشة .. دا موت وخراب ديار .. ودمار

ونار .. ربنا ينقذنا منها ويحوشها عن الجميع .. إنت يا صاحبى قلت بلاوى ومصايب مش حكاية الواحد يطلع منها بعبرة ولا نتيجة ولا حتى نتيجة الحيط .. دا انت كل اللى قلته رعب وهم وخوف ودم .. لأ يا عم أنا حكايتى سهلة قوى بالنسبة للى انت قلته واللى سمعته منك .. قال على رأى المثل اللى يشوف بلوة غيره تهون عليه بلوته. تامر: وحكايتك إيه يا ”مرزوق“ .. إيش تكون عاد؟ مرزوق: زى ما انت عارفى من أيام الجيش أنا ”مرزوق“ ابن الأسطى ”خفاجة“ الحلاق المشهور فى شوارع بولاق وحواريها القديمة .. أبويا اتجوز أمى عدلات بنت سالم بياع الخضار .. واتلموا الاتنين على بعض .. وقرش على قرش جمعوا الفلوس .. وبقت الفلوس تجيب فلوس .. عملوا دكان كبير يبيعوا فيه فاكهة وخضار .. وكسبوا قرشين حلوين .. لكن ابويا ما قدرش ينسى مهنة الحلاقة اللى خلته مشهور ومعروف لكل سكان بولاق .. أمى اتخانقت معاه كتير علشان يبقى معلم خضار وتاجر فاكهة كبير ومتسيط .. لكن اللى فيه داء ما يسلاهوش .. المهم يا صاحبى أبويا خلف وخلف لما

بقينا تسعة .. خمسة صبيان وأربعة بنات .. وعشنا
مع بعض فى بيتنا الكبير فى بولاق .. لكن الأيام ما
بتدومش .. والفرحة ما بتفضلش على طول .. فجأة
مات أبويا .. وبعدين دخلت أمى المستشفى .. ودكان
الخضار اشتغل فيها اخواتى وأنا ماعرفتش اشتغل
معاهم .. طردونى وكلوا حقى .. لكن ربك كبير ..
اتعرفت على المعلم سالم أبو عدلات مراتى .. وقف
الراجل جمبى ورجالته كتير .. وزى ما بيقولوا العزوة
حلوة .. خدت حقى من إخواتى .. وفتحت دكان حلاق
.. ومشيت الدنيا معايا .. ومشيت أنا كمان معاها ..
فجأة عدلات جابت ولاد ورا ولاد .. لما البيت اتملى ولاد
.. ولقيت نفسى غرقان فى مشاكل وعدلات أرنبه كبيرة
وبتخلف إيه .. توأم ورا توأم .. زنقتنى الدنيا .. وخنقتنى
بصحيح .. فى يوم لقيت نفسى مش قادر أصرف
على المحل والزبون بيهرب للمحلات الموضعة، واتقفل
المحل بعد كل الزباين ماطفشت .. واتغيرت الظروف
واتبدلت الأيام .. قلت أعمل إيه؟؟ أعمل إيه؟؟ مرة وانا
واقف قدام القهوة غرقان فى همومى .. لمحت تاكسى
وصاحبه بياخذ الأجرة وكمان بقشيش .. مالحتش افكر

.. عزمت السواق على شاي وشيشة وجبت عربية تانى
يوم بالقسط من بنك ناصر بضمن المحل.. والراجل
بقى شريكى لأن عربيته كان شغال عليها .. وبقيت
سواق .. ومش عارف أعمل إيه مع الدنيا .. والدنيا
هتعمل إيه معايا؟ يا ترى هتتلم عدلات زى ما الدكتور
قال لها والا إيه؟ ماهو يا صاحبي إذا الواحد ما اعتبرش
وما فكرش .. يبقى تقول على الدنيا يا رحمن يا رحيم ..
هو ده اللي حصل وده اللي كان من أمور الحياة وغدر
الزمان .. لكن فى الحقيقة يا عم "تامر" يا صاحبي ..
أنا ما وردش عليّ ألعن من مشاكلك دى وبلاويك اللي
واخداك بالحضن .. لكن أرجع واقول .. مين عارف ..
لكل شئ بداية .. ولكل شئ نهاية .. يمكن ربنا يهديك
وتسمع نصيحتى وتفكر فى كلامى وتنسى موضوع
التار المنيل بنيلة ده .. وتيجى معايا بولاق تحط إيدك
فى إيدى ونرجع المحل القديم ونعمل أجدع صالون
حلاقة .. وليك عليّ أعلمك الحلاقة وتبقى أسطى حلاق
معتبر ينضرب بيه المثل .. قلت إيه يا صاحبي؟؟
تامر: كلامك سابق لأوانه يا مرزوق.

مرزوق: أنا عارف إنك لازم تزور أخوك .. ماهو طبعاً ده واجب لأبد منه .. وأنا معاك إيدي على إيدك ورجلي على رجلك .. وربنا يعمل اللي فيه الخير إن شاء الله. الليل يرخى سدوله على المدينة، والأنوار تبدو متهجة حيث تظهر السيارة وقد اقتربت من مدينة الجيزة. يتحدث مرزوق قائلاً: تعالى يا صاحبي نشرب حاجة ونريح شوية.

تامر: لسه هنريح تانى .. مش قلت لك فى الأول ما عادشى فيه راحة ولا نوم إلا لما نطمن على المجروح ونحقق المراد. مرزوق: قصدك إيه؟ القتل من جديد؟

تامر: دا شئ لأبد منه .. وحتماً .. وضرورى لأجل ... ! مرزوق مقاطعاً: لأجل إيه؟ لأجل النار يزيد لهيبها وينقتل واحد وانتين وتلاتة؟

تامر: وأربعة وخمسة وسبعة وعشرة .. ويكون اللي يكون .. ويحصل اللي يحصل .. زى الأيام ما تريد .. تريد. مرزوق: لأ يا صاحبي إحنا ما نسلمش نفسنا للتهلكة ونقول يحصل اللي يحصل .. أنا مش هسيبك تضيع

كده .. وتمشى مع التيار يشدك لبحر الدم .. لأ مش ممكن أبدا .. إنت وافقت على رأى وعندك استعداد تشتري نفسك من جديد.

تامر: أنا وافقتك عشان نفسى أقف فى محطة فيها أمل وحياة .. لكن العيلة والبلد والناس؟

مرزوق: العيلة غلطانة ومش واعية .. والبلد غلطانة لما تشجع على كده .. والناس تقصد إيه؟! أى ناس بيفكروا مضبوط وعندهم عقل بصحيح .. مش هيوافقوا على كده .. وأى حد بي فهم .. حيبقى ضدك .. وضد كل واحد بي فكر التفكير الأسود ده .. اسمع .. أنا جاى معاك أزور أخوك .. لكن عاوزك تعاهدنى وتوافقنى على الكلام اللى قلناه فى العربية .. والا انت من سكة وأنا من سكة؟! تامر: إنت كلامك صح .. وأنا بافكر كتير فيه .. لكن أنا فى ورطة وأزمة.

مرزوق: خليك معايا .. وإن شاء الله تخرج من الورطة والأزمة السوداء دى.

فى الجيزة، يدخل مرزوق وتامر مستشفى أم المصريين ويتجهان على الفور إلى الاستعلامات.

تامر متحدثا: لو سمحت فين المضروب بالنار بتاع امبارح؟

المرضة: إنت مين إنت وهو؟

تامر: أنا أخوه .. وده صاحبي.

المرضة: إستتى شوية عشان وكيل النيابة عنده
والدكتور مدير المستشفى والبوليس.

تامر: وإيه المشكلة فى الدخول؟

المرضة: إستتى لما نقولهم .. خليك معايا.

تدخل المرضة، ثم تخرج لهم قائلة: انفضلوا.

يدخل تامر ومرزوق، فيجدا الوكيل يتحدث إلى
”عبدالرحيم“ الجريح أخو تامر.

وكيل النيابة: وبعدين يا ”عبدالرحيم“ إنت مش عايز
تقول حاجة برضو؟

عبدالرحيم: أقول إيه يا بيه؟

وكيل النيابة: تقول إنت تتهم مين؟ ومين اللي ضربك
بالرصاص؟ وليه؟

الدكتور مشاركا الحديث: اتكلم يا ”عبدالرحيم“ قول ..

انطق .. السكات مش هيفيد.

وكيل النيابة: مش عاوز تتكلم عشان بعد ما تخرج من المستشفى ترجع تقتل وتقتل وتقتل .

الدكتور: يقتل وينقتل .. يقتل وينقتل .. ويستمر المسلسل اللي مش عاوز ينتهى (ناظرا إلى تامر ومرزوق) مش كده والا إيه؟

تامر: يمكن لسه تعبان يا باشا.

وكيل النيابة: طيب إنت مش تعبان وسليم .. ما تقول انت يا تامر .. تتهموا مين؟ وهل لما كان جدك مع الأولاد و"عبدالرحيم" بينادى عليه ما حدش عرف مصدر الرصاص؟
تامر: الحكاية كانت مفاجأة يا باشا ويمكن....

وكيل النيابة مقاطعا: ويمكن حد من عيلة الجعايدة هو اللي قتله عشان تارهم القديم.

الضابط: التار أصبح عقيدة عند الصعايدة عشاق الأرض والعنف .. مع إن فيه صعايدة طبيين عايزين يعيشوا فى سلام.
وكيل النيابة: مش عاوز تقول حاجة يا تامر؟.

تامر: العلم عند الله يا باشا.

مرزوق: سبحان المُنجى .. سبحان المنجى من المهالك.
الدكتور: رغم إن الأرض فى حاجة إلى الحب هو اللى
يروئها ويبارك فيها .. ويجعلها تطرح الخير والأمل لكن...
وكيل النيابة: لكن العقل البشرى هنا عقل أصم ..
لا يستمع إلى نصيحة الحكماء وفكر العلماء.
الضابط: فعلا أصم غبى .. زى صخور البحر.
الدكتور: يمكن لما يخف ويتعالج يتكلم يا سيادة الوكيل.
وكيل النيابة: مين عارف يمكن.

يخرج الدكتور ووكيل النيابة والضابط، بينما يدخل رجل
آخر غريب يرتدى عباءة وهو عجوز الهيئة والمظهر، يغلق
الباب فور دخوله، ويراه تامر ومرزوق، وتامر يتحدث إليه.
تامر: مين حضرتك؟

الرجل يتردد فى الإجابة قائلاً: أنا .. أنا .. أنا ضيف.
وفجأة يخرج مسدسا من عباءته محاولا إطلاق النار
على الجريح.

يلمح ذلك "مرزوق" الذى ينكب عليه مختطفا منه
المسدس، ويشتبكان هو والرجل، فنستمع إلى طلاقات

الرصاص يسقط على أثرها الرجل الغريب مقتولا.
لم يتوقع عم مرزوق يوما أن يدخل في دائرة بحر
الدم واعتقد بأن الرصاص قد انطلق من مسدس الرجل
الغريب بعد أن أمسكه في يده لتستقر طلقاته في صدر
الرجل الغريب لتصرعه

ولكن عين القدر لا تغفل ولا تنام، فالرصاص لم تنطلق
من من عم "مرزوق" الذي فوجئ وعم "تامر" بأن
الضابط المصاحب لوكيل النيابة- الذي لم يلبث
وغادر الغرفة- قد عاد من فوره بعد سماع هرج ومرج
وشاهد بنفسه محاولة الرجل الغريب قتل "عبدالرحيم"
فأطلق عليه الرصاص وأرداه قتيلا بعد أخذ الأقوال
والتحقيقات، انصرف عم مرزوق وتامر من سراى النيابة
واصطحب عم مرزوق تامر إلى بيته في حي بولاق.

نادر حلالها بن بولاق

وصل التاكسى أمام بيت قديم فى أحد أزقة حى بولاق
ونزل عم مرزوق من التاكسى مسرعا ومناديا على ابنه
عم مرزوق: يا رمضان.. يارمضان خرج "رمضان"
-شاب فى الثامنة عشر- مسرعاً ومن خلفه الست
عدلات أم رمضان زوجة عم أبو العلا

رمضان : أيوه يابا

الست عدلات: أيوه يا ابو رمضان... خير
ياخويا إيه اللي جابك دي الوقتى ده مش ميعادك؟
عم مرزوق: معايا ضيف ياوليه .. يالآ يارمضان نزل
الحاجة بسرعة من العربية وانت يا ام رمضان اعلمي
للضيف لقمة ياكلها..

تامر: لا ياعم مرزوق مافيش داعى والنبي ماتتعبش
الست أم رمضان احنا مش ضيوف
أم رمضان : ودى تيجى ياخويا يا أهلا وسهلا من

عينيه يا ابو رمضان ثوانى وحاكون دابحة ذكر بط
اتفضلوا يا أهلا وسهلاً

عم مرزوق: وانت يارمضان خد من أمك مفتاح الأوضة
الفاضية، وافتح الشباك وهويها، وانت يا ام رمضان
شوفي لنا مرتبة واستقضي لنا شوية حاجات كده علشان
سى تامر والست بتاعته حيسكنوا فى الأوضة الفاضية
رمضان : من عينيه يا حاج

أم رمضان : من عينيه ياخويا إن ماشالتهمش الأرض
نشيلهم فى عينينا.. يا أهلا وسهلا.

عم تامر: والله يا مرزوق ياخويا أنا مش عارف اقول لك إيه
عم مرزوق: إنت ماتقولش حاجة احنا اخوات..على
ماناكل لقمة كده على ما قُسم تكون الأوضة جهزت
وماتشلس هم حاجة خالص وترتاح النهاردة وبكره إن
شاء الله لينا قعدة مع بعض وتقول لى انت ناوى على إيه
وفى اليوم التالى التقى عم ”تامر“ مع عم ”مرزوق“
واصطحبه للجلوس على المقهى... قهوة بلدى فى آخر
الشارع، وسحب كرسيين ونادى على صبي القهوة ”زوقلا“

عم مرزوق: وله يا زوقلا هات حجرين معسل واتتين
شاي سكر برة

صبي المقهى : على عيني حاضرو وعندك اتتين
معسل واتتين شاي سكر برة للمعلم مرزوق وصاحبه
عم مرزوق: والله انت نورتنا ياسي تامر .. قل لي بقي
انت ناوي على ايه

عم تامر : والله يا مرزوق يا اخويا يعنى انا معايا قرشين
بافكر أفتح بيهم اى مشروع

عم مرزوق: مشروع زي ايه كده ولا مؤاخذة

عم تامر: أنا معايا دبلوم صنايع زي مانت عارف
وبافهم فى الحدادة والخراطة

عم مرزوق: مش حتمشى هنا يا تامر يا اخويا
..عندنا فى بولاق الورش أكثر من الهم ع القلب
وبعدين علشان تفتح ورشة خراطة ولا حدادة دى
تحتاج فلوس كتير قوى ده غير تمن أو خلو المكان ..

عم تامر: والله مش عارف يا مرزوق يا اخويا
عم مرزوق: ايه رأيك يا تامر ماتاخذ إنت محل الحلاقة

ورزقى ورزقك على الله

عم تامر: بس انا ماليش فى الحلاقة يا مرزوق
عم مرزوق: انوى انت بس وسيبها على الله .
عم تامر: ونعم بالله

ومرت الأيام وفتح عم «تامر» محل عم «مرزوق»
وبعد فترة أرسل عم «تامر» وأحضر زوجته الست
«ماهيتاب» وربنا فتح عليه وقام بشراء المحل من
عم «مرزوق» وأجاد عم تامر مهنة الحلاقة، وكانت
فتحة خير عليه ورزق عم «تامر» بهيتم... ويوم
ميلاد «هيثم» سألوه فى المستشفى تحب تسمى
المولود إيه يا حاج؟ ماترددش لحظة وبرضو اختار
اسم من أسماء البندر وقال نسميه هيثم على بركة الله
ولاحظوا معى الاسم (هيثم) إنها نفس العقدة القديمة
حيث شرد عم تامر بذهنه فى بحر الذكريات، وابتسم
ابتسامة ساخرة وتذكر سر تسميته باسم غير كل أسماء
أقرانه وأبناء عائلته فى الصعيد وكيف أن أبناء عمومته
من الصبية يعيرونه بهذا الاسم فقد أخبره والده قبل
مقتله بعدة أيام على يد أحد أبناء عائلة الجعايدة بأن

أحد أبناء عمومته المتتورين أشار عليه بعد عودته من القاهرة وكانت أم عم تامر على وشك الوضع، أشار على أبوعم تامر بتسميته باسم من أسماء البندر حيث قال له أنه خلال زيارته المتكررة للقاهرة قابل الكثير من الرجال والستات والعيال الصغيرة حلوين وزى القمر ومافيهمش حد اسمه هريدى ولا جعيدى ولا ميلص .. اللي اسمه عم تامر واللى اسمه هيثم على ماهيتاب على جيرمين وكلهم حلوين وزى القمر .. يبقى أكيد سر الحلاوة فى الاسم !.. ومن هنا أطلق عم هريدى اسم تامر على أول مولود أنجبته زوجته وأخوه جعيدى أطلق اسم ماهيتاب على أول مولودة رزق بها من زوجته بعد أسبوع من ولادة عم تامر وكعادة أهل الصعيد عم تامر لماهيتاب وماهيتاب لعم تامر .. وكانت ماهيتاب وعم تامر وهما أطفال زى القمر بلامح طفولية جميلة ولكن مع مرور الأيام اتضحت الملامح وبانت الحقيقة .. وأصبح هيثم ابن عم تامر بنفس الملامح المصرية... الوجه الأسمر والشعر الأكرت والشفافة الغليظة... تلك الملامح الضاربة فى جذور الصعيد الجوانى والبرانى كمان لو حبيت، ولقد

حاول عم تامر المستحيل مع ابنه هيثم خلال الإجازات الصيفية ليتعلم مهنة الحلاقة مثل أبيه إلا أنه كان يتسبب في كثير من الإصابات لزيائن المحل من أهل الحقة في مواقف لا تخلو من الكوميديا، ولأنهم يحبون «هيثم» كانوا يشجعونه ويقولون “ بكره يتعلم ” إلا أن هيثم كان مولعا بالسينما والتمثيل، ولذا كانت حوائط غرفته مغطاة بصور الفنان عادل إمام .. نعم عادل إمام مثله الأعلى وحلم حياته أن يقابله يوما ما .. إذ لم يدع «هيثم» فيلما لعادل إمام إلا وقد دخله أكثر من مرة حتى أن زملاءه في المدرسة ومعهدالسياحة والفنادق - الذى التحق به بعد الثانوية العامة- لقبوه بمجنون عادل إمام .

فرحة شربات بالإعدادية

عم تامر: الحمد لله ياولاد إني عشت وشفتم واخدين
شهادات عالية

الست ماهيتاب : أمال إيه ياسى تامر طبعاً مش ولادى
عم تامر: ولادك إنتِ بس !؟

ماهيتاب : ياخويا هو أنا ما اعرفش أتنفس بكلمتين معاك!؟

هيثم : إنتوا بتخانقوا على إيه بس؟، وشهادات عالية إيه
اللى ببتكلموا عليها دي البت شربات يادوبك نجحت فى
الإعدادية على الحوروكروك واللى قدها زمانهم ساووا معاش

الست ماهيتاب : آهو البركة فيك انت ياهيثم ياابنى

هيثم : يامه ده انا خدت السياحة والفنادق بالعافية و بعد
عذاب وأدينى بقى لى سنتين قاعد جنبك من غير شغل

ماهيتاب : وحد منعك... ماتنزل تشتغل مع أبوك فى المحل

عم تامر: قولي له ياماهيتاب أنا خلاص كبرت وصحتى
ماعادتش تساعد

هيثم : لا ياعم تامر أنا مش طموحى أكون حلاق
عم تامر: بتستعر من صنعة أبوك ياهيثم .
ماهيتاب : مايقصدش ياسى تامر انت مش عارف هيثم ؟
شريات : أمال عايز تطلع إيه ؟؟ سفير !

هيثم : ولاسفير ولا شهيق بتتريقى يابت اسم الله على
وزير السياحة اللي مخطوبه له .

ماهيتاب : آهو وزير السياحة اللي مش عاجبك ده ،
طباخ كبير قد الدنيا فى فندق ع النيل

شريات : اسمه شيف ياماما.. شيف مش طباخ

ماهيتاب: وهو يا اختى الشيف ده بيعمل إيه؟ صنعته إيه يعنى؟

هيثم : بيطبخ يا ماهيتاب

ماهيتاب : اختشى .. ماهيتاب دى إيه ! ماחדش

يقول يا ماهيتاب غير الله يرحمه أبوك عم تامر

عم تامر: الله يرحمه إيه ياوليه موتينى بالحيا

ماهيتاب : يوه ياخويا يقطعنى.. العادة أصلها بتحكم، أصل

نسوان الحته كل أجوازهم الله يرحمهم ، ودايمًا يترحموا عليهم .

عم تامر بيشرب كوب ماء أحضرته له «شربات»
وشرق وبدأ يسعل بشدة .

هيثم (ضاحكًا) : يظهر هانت يا ماهيتاب ويظهر
إنك هتترحمى علي خلاص (خبط على الباب)

عم تامر : قوم افتح يا (هيثم) تلاقبه «كريم» خطيب
أختك ، وانتِ ياشربات قومي غيرى لبس البيت كده
واعملي له حاجة يشربها يالا معاها ياما هي ، أنا مش
عارف ازاي سموه كريم ... ده مش شكل كريم خالص
ويقوم هيثم ويفتح الباب ويدخل من الباب رجل ضخم
الجبنة أجش الصوت قائلًا:

مساء الخير ياهيثم مساء الخير ياعمى

هيثم : مساء الخير ياعم عبد الكريم

كريم : كريم ياهيثم

عم تامر : أهلا.. أهلا ياكريم ياابنى

كريم : الله أmaal فين شربات وطنط ؟

عم تامر : زمانهم جايين ياشربات .. يا ماهيتاب

استعجلوا شويه

(وفى هذه اللحظة تدخل الست ماهيتاب وشربات)

ماهيتاب : أيوه ياخويا جايين آهو

ويقف كريم احتراماً وفرحاً بعروسه، وتدخل شربات

وتجلس بجانبه كريم يقف ليسلم على حماته وعروسه

ماهيتاب : دوق الكيكة دى شربات اللى عاملاها بإيدها

شربات : يوه... ماتكسفينيش ياماما

كريم بدأ يتناول أول قطعة قائلاً

كريم : لأ حلوة.. حلوة قوى بس الخميرة قليلة فيها شوية

هيثم : إنت آخرتها إيه معاك بقى... انت جاي

دي الوقتى تقول الخميرة زيادة والخميرة ناقصة

عم تامر : عيب ياهيثم مش كده

هيثم : المهم هو ناوى ياخذ البنت دى من هنا إمتى

ماهيتاب : يوه وهى البنت عامله لك إيه بس؟!

عم تامر : قل لى ياكريم ياابنى إمتى ناوى إن شاء الله

كريم : والله ياعمى عم تامر إن شاء الله

من بكره .. الشقة جاهزة بس انتوا تأشروا

هيثم : احنا بنجيب جاهز •

عم تامر : لا من بكره إيه.. كده مانلحقش..
خليها الخميس الجاي يعنى بعد أسبوع من
النهارده علشان أعمامها يلحقوا بيجوا من الصعيد
ماهيتاب : ويعنى خلانها وقعوا من قعر القفة
عم تامر : وخلانها .. ياسلام احنا مالناش بركة إلا خلانها
كريم : عقبالك يا أستاذ هيثم

هيثم : هو ده الموضوع اللي احنا عايزينك عشانه
كريم : مش فاهم

هيثم : هو عشان عقبالى دى مش لازم أكون باشتغل
كريم : أكيد أمال أنا كلمت لك مدير الهاوس كينج وهو
مستتيك بكره الساعة (١٠)

عم تامر : أنا مش باقولك خطيب أختك مش أى كلام
ماهيتاب : ألا إيه الهاوس كينج ده ياكريم يا ابنى؟
كريم : هاوس كينج ياطنط ده اسم الفندق اللي باشتغل فيه •
ماهيتاب : الله .. أما كلمة طنط دى طالعة من بقاء السكر

كريم : والا تحبى أقول لك ياماما

ماهيتاب : لا .. ماما لا .. هي طنطدى حلوة قوى من بقك
(وتحدث نفسها قائلة.. قال ماما قال وانا أخلف عجل زى ده
بس ازاي ده أكبر منى أنا مش عارفه البت عاجبها فيه إيه)
كريم : أنا حافوت عليك من الصبح وأخذك معايا فى
سكتى ياهيتم

هيتم : وانا من النجمة حاكون لابس وفى انتظارك
كريم : طب أستأذن أنا ياعمى أحسن عندى شغل من بدرى
هيتم : وليه ما تبات معانا

كريم : شكرا ياهيتم كان بودى ، ماتنساش حافوت
عليك بكره من بدرى

هيتم : بس قول لى والنبي بدرى دى غمتى

كريم : الساعة ٧ الصبح ألاقيك واقف قدام باب البيت
هيتم : ٧ الصبح! طب مانطلع من دي الوقتى
ماهيتاب : اتكل انت على الله ياكريم وأنا حصحيه من
النجمة.. وصل خطيب أختك ياهيتم

وأثناء توصيله للباب ومعه شربات أيضا

كریم : طيب سلامو عليكم بقى ، مش عايزه حاجة ياشربات

شربات : عايزاك بخير ياكریم

كریم : حتوحشيني ياشربات

شربات : وانت ياكریم

هيثم : هااا .. اعملكوا اتنين لمون

كریم : تصبحوا على خير ياهيثم

هيثم : أيوه يااخويا ماهو هيثم ده أصلا كان فى سلاح

الكبارى يالا ياعم وسيبنا ننام

شربات : شفتى ياماما هيثم بيكلم كيريم ازای

هيثم : غيه يعنى باكلمه ازای.. أسبل له والا أسبل له

ماهيتاب : عيب ياهيثم واحد غيرك يحط خطيب اختك

ده على راسه من فوق مش كفاية إنه حيشغلك بدل ما

انت قاعد صايح لاشغلة ولا مشغلة وبتصرف مصروفك

على السينمات والمسارح

إنت نمت ياسى تامر

عم تامر: كلامك مضبوط يا «ماهى»

هيثم : هو ده اللى أنا باخده منكم ، ياخوانا أنا..
فنان جوايا فنان ماينفعنيش أستغل حاجة غير إنى فنان
عم تامر : فنان إزاي يعنى ، صوتك حلو لا سمح
الله ، شكلك حلو أستغفر الله ، بتفهم فى صنعة
هيثم : صنعة إيه باقولك فنان تقول لى صنعة
عم تامر : ما عندك «شعبان عبدالرحيم» مكوجى..
يعنى صنايعى وفنان

هيثم : ياعم تامر.. ياعم تامر مكوجى إيه وشعبان
إيه بس! أنا طموحى أكبر من كده ، أنا ممثل
ثلاث سنين وأنا رئيس فريق التمثيل فى المعهد
ماهيتاب : يعنى حتبقى كده زى عادل إمام اللى
مشحطك وراه فى كل حته بتروح له فيها فيلم والا مسرحية
هيثم : عادل إمام ده أستاذى .. أستاذى .

ماهيتاب : والنبي الراجل ده باينه ساحر لك

ماكنتش تعمل اللى انت بتعمله .. ده انت مشحط
أبوك وراك ومضيع فلوسك فى الجرى ورا عادل إمام

عم تامر : بالك ياما هيتاب عادل إمام ده كان بيحلق
عندى زمان قبل ما ربنا يفتحها عليه كده ويبقى عادل إمام
هيثم : عادل إمام حيحلق عندك انت يا بابا مش واسعة شوية
عم تامر : لأ مش واسعة .. طب بس اسأله
شربات : يسأله فين بس يا بابا ده مرة حاول يسلم عليه
يوم افتتاح الفيلم الأخرانى بتاعه ، على ماوصل له
كان وقع واتبهدل تحت الرجلين وبرضو ماوصلش
ما هيتاب : ليه بقى وعلى إيه ده كله !

هيثم : برضو ياماما ده عادل إمام
عم تامر : أنا سمعت إنهم عينوه سفيراً للنوايا الحسنة
تبع الأمم المتحدة

ما هيتاب : - إلا يعنى إيه اللي بيقله أبوك ده يا هيثم
هو ممثل والا سفير ؟

هيثم : ياماما تسمى عن الأمم المتحدة ؟
ما هيتاب : أيوه يا أخويا أسمع كل مايكون فيه مصيبة
فى حته بيحبوا سيرتهم الأمم المتحدة
هيثم : الأمم المتحدة دى عندها سفرا

ماهيتاب : زفرا ازای يعنى يا اخويا والزفارة دى جات لهم منيين
هيثم : زفرا ايه بس حرام عليك ، هو أنا جدى كان اسمه ايه
ماهيتاب : شادى ..ليه؟

هيثم ينظر لأبوه ويكى ويقول له: أنت السبب فى اللى
بيحصل فينا ده

عم تامر : فنه ايه ياوله ايه اللى حصل !

هيثم : إنك اتجوزتها

ماهيتاب : امشى وجع فى بطنك ، ده أبوك
حفى.. عارف يعنى ايه حفى عشان بس أبص له
بصه وبابى مارضيش يوافق عليه إلا بعد ماهدد
بالانتحار.. حصل والاما حصلشى ؟ ساكت ليه ؟

عم تامر : حصل...حصل

ماهيتاب : أيوه باحسب

عم تامر : ياهيثم أنا نفسى أفرح بيك قبل ما أموت
ياابنى آديك شايف أنا كبرت ونفسى أشوف عيالك
بتجرى حواليّ قبل ما أموت

ماهيتاب : يوه بعيد الشر عليك ياخويا إن شاء الله العدويين
عم تامر : قلت إيه يا ابني ، وأهى عروستك موجودة
وبتحبك وبتحبها ومستتية بس تتقدم... وأبوها صاحبي
من أكثر من عشرين سنة

ماهيتاب : يعنى عشرة عمر وجيران ... الجدار فى الجدار .
عم تامر : وماتشيلش هم حاجة... بعد أختك ما
تتجوز إن شاء الله البيت حيفضى علينا أنا وامك
وحافرش لك أوضة وتقعد معانا والبت أبوها موافق
وهى بتحب أمك...وأمك بتحبها .. قلت إيه ؟
ماهيتاب : حقه... دى رشا دى زى النسمة وغلاوتها من
غلاوة «شربات» بنتى بالظبط

هيثم : طيب ياجماعة أستلم بس الشغل وساعتها
أبوها هيرحب الواحد بس يضمن مستقبله الأول
عم تامر : إذا كان على الشغل اعتبر نفسك استلمته...
خطيب أختك وعدنى خلاص

ماهيتاب : باقول لك إيه ياسى تامر ، ما تيجى تخلى
الفرحة فرحتين وأهو يبقى فرح واحد... كريم على

شربات وهيثم على رشا

عم تامر : أنا إذا كان علي نفسي النهاردة قبل بكرة ، نفسي أشوف أحفادي بيلعبوا حوالي ، بس شوفي انت ولادك ماهيتاب : هيثم... شربات ها قلتوا إيه ياولاد؟

هيثم : أنا جاهز طالما الحاج موافق وأبوها راضي

شربات : نفسي ياماما

هيثم : وجع في نفسك... نفسك في إية يابيت

شربات : شفتي بقى قلة أدبه ياماما... على طول كده

كاسر نفسي

ماهيتاب : ماتبقيش قماصة بقى أخوكي بيتدلع عليك

عم تامر : سمعينا زغروته يا ماهيتاب .. لولولو

وجرى هيثم متوجها إلى البلكونة، ووجد «رشا» طالة

من البلكونة الملاصقه لبلكونتهم.. وسألته قائلة

رشا : غيه يا هيثم سامعة زغاريد عندكم خير إن شاء الله

هيثم : عقبالك حاتجوز

رشا : يانهارك أسود ومنيل حتتجوز مين ياخاين ياندل

وشدته من قميصه وكاد أن يقع من البلكونة

هيثم : يخرب بيتك مش حتلقى تتهنى بي كده حاقع وأموت

رشا : أتهنى بيك! هو إيه الحكاية ؟

هيثم : أبويا ياستى مصمم إننا نتجوز انا وأنتِ مع

شربات وكريم فى يوم واحد

رشا : بنتكلم بجد؟ فليحيا أبوك

هيثم : البت دى عبيطة مالها فرحانة كده ليه

رشا : إزاي بقى عايزنى ما فرحشى ، أخيرا. أخيرا حتتجوز

هيثم : يعنى حاتتجوزى «حسين فهمى»

رشا : «حسين فهمى» ده ييجى جنبك إيه ، ده لا شعر

ولا عينين ولا منظر خالص

هيثم : ده حسين فهمى؟ إنت قصدك حسين فهمى!!!

وأنا أحسن منه!!!

رشا : هو انت شويه... ده كفايه بس أبص فى عينيك

، مش كفايه إنى حافوز بيك من بين كل بنات الحتة

اللى يتمنوا نظرة منك ، أمال هما غيرانيين منى ليه!؟

ماهيتاب : أنا برضو اللي كبرت... طب عيني فى
عينك كده

هههههه ، زغزغة وحركات وضحك...وفجأة تشاءب عم
تامر ونقح عليه عرق النسا وقال:

عم تامر : آه آه يالا تصبى على خير يا «ماهى»
رشا : ياخوفى لتطلع زى أبوك زغزغة بس

هيثم : امشى يابت جوه بلاش قلة أدب

صوت قادم من داخل شقة رشا ، أبوها ينادى
أبو رشا : يارشا.. يارشا بتعملى إيه عندك

رشا : طيب أنا داخلة بقى تصبح على خير
هيثم : وإنت من أهله

وقام هيثم بالخبط على شباك غرفة أبوه المطة على
البكونة قائلاً: ياعم كفاية زغزغة بقى.. صحتك

فوجىء عم تامر بأن ابنه يسمعه وزعق فيه
عم تامر : امشى ياواد خش نام

وبعد صلاة الفجر توجهت أم هيثم إلى غرفته

لإيقاظه حتى يستعد للتوجه مع خطيب أخته
«كريم» لمقابلة مدير فندق الهاوس كينج على النيل
ماهيتاب : توضأت للصلاة، وراحت تتادى على عم
تامر زوجها للاستيقاظ لصلاة الفجر وعقب الصلاة
بدأت فى الدعاء لهيتم

ماهيتاب : اللهم أكرمه ووقفه يارب فى المصلحة اللى
هو رايحها دى واسترنا دنيا وأخرة يا كريم، ياراجل فوق
بقى كده مش هتلق صلاة الفجر .. والا تلاقك تعبان
من زغزغة إمبارح

عم تامر : أبوة قايم آهو ،والله انت ولية قلبك اسود بشكل
ماهيتاب : أما أروح أصحى هيتم أحسن تروح عليه نومه
عم تامر : ياولية لسه بدرى مانقلقيهوش من دي الوقتى
ماهيتاب : إنت مش عارف ابنك ، ده انا لوماصحتھوش
دي الوقتى مش قايم فى سنته ، ده على مايقوم ويدخل
الحمام ويحلق دقنه ويلبس ولا ساعتين ، و يادوبك
تلاقى كريم خطيب أخته مستتية تحت .

عم تامر : إنت حرة مع ابنك

قال ذلك وهو مبتل بماء الوضوء ، والله أكبر نوى الصلاة
ماهيتاب : اصحى ياهيثم ، ياهيثم ، ياهيثم ، اصحى يا ابني
هيثم : يا امه حرام عليكى إنت مصحيانى إمبارح عشان
أروح بكره.. لسه بدرى يا امه لسه يومين على الميعاد
ماهيتاب : يومين إيه ده يادوبك تقوم تدخل
الحمام يالا قوم ، قوم ياواد يادوبك تلحق الفجر
أحسن والله أجيب ميه ساقعة وأدلقها على دماغك
صوت قادم من الشقة التى بجوارهم فى البيت الملاصق
لهم... صوت أبو رشا

أبو رشا : ماتقوم ياهيثم يا ابني بقى عايزين ننام
ماهيتاب : شفت آديك صحيت الجيران آهو
هيثم قام من النوم جالسا على السرير محاولا استيعاب
ماسمعه قائلا :

- أنا برضو اللي صحيت الجيران

ماهيتاب : يالا يا ابني استعيز بالله كده وادخل الحمام
ربنا يسهل لك ويفتحها فى وشك

ودخل هيثم الحمام ،وحلق ذقنه، وخرج، ولبس ويادوبك نازل ووجد سيارة كريم قادمة من أول الشارع... سيارة فيات قديمة ، ونظر إلى البلكونة... رشا وحدها واقفة له... تبادلا النظرات وركب السيارة مع كريم،ووصلت السيارة إلى الفندق، ودخل الاثنان من الباب المخصص للعاملين ، وهنا سأل هيثم قائلاً له :
- إنت جايينا من هنا ليه ، باب الفندق ده على النيل أنا عارفه
كريم : الباب اللي انت عارفه ده مخصص للضيوف ما بيخشش منه العاملين

موظف الأمن : صباح الخير يا شيف

كريم : صباح الخير يا أحمد

موظف الأمن : وده مين ده يا شيف ؟

كريم : ده أخو خطيبتي شربات، وبالمناسبة أنت معزوم على فرحى يوم الخميس الجاى إوعى تنسى يا أحمد
موظف الأمن : ألف مبروك يا شيف ربنا يتم بخير ، بس ماقلتش برضو الجدع ده رايح فين ؟
كريم : عنده ميعاد مع مستر حازم

موظف الأمن : ربنا يوفقه عشان خاطر ك يا عريس
كريم : دعواتك يا أبوحميد

وأثناء دخول الموظفين... كان هناك عدد من زملاء
كريم يتابعون الحديث فى عجلة، وبارك معظمهم للشيف
«كريم» بالزواج المقبل ودعاهم جميعا للحضور ، اصطحب
«كريم» «هيثم» إلى غرفة تغيير الملابس ، وغير «كريم»
ملابسه، وارتدى زى الشيف الأبيض والزنبيل والسابو ،
ومشى الاثنان مخترقان طرقات ودهاليز الفندق حتى
وصلا إلى جزء شيك من المبنى .. وقال «كريم» لهيثم:

- أهى دى يا ابنى تبقى الإدارة

ودخل الاثنان إلى مكتب به سكرتيرة ، ملحق به مكتب
آخر.. وبادر كريم السكرتيرة قائلا:

- صباح الخير يا آنسة سوزى

سوزى : صباح الخير يا شيف

كريم : ياترى مستر حازم وصل

سوزى : من بدرى ، هو فى انتظاركم بس ثانية واحدة
أدى له خبر

ودخلت «سوزى» إلى مكتب مستر حازم، وعادت تأذن بالدخول للشيف كريم وهيثم ، ودخل كريم وهيثم ورحب بهما مستر حازم قائلاً :

- أهلاً أهلاً يا شيف.. سمعت إنك هتخس القفص خلاص كريم : عقال أولاد سيادتك يا أفندم إن شاء الله الخميس الجاى وطبعاً سيادتك أول المعزومين مستر حازم : وهو أنا محتاج عزومة ياراجل ! كريم : ماهو هيثم ده اللي انا كلمت سيادتك عليه يبقى أخو العروسة

مستر حازم : كده! ده يبقى حماً إيه بقى ياسيدى ، إيه ياجماعة واقفين ليه أتفضلوا اقعديوا ، تشرىوا إيه؟ كريم : لا والله ألف شكر احنا لسه شاربين قبل مانيجى مستر حازم : بس عشان خاطر أبو نسب ، بس خد بالك ماتتعودوش على كده ... هاها

كريم : ماهو ياهيثم مستر حازم ده هنا مش ريسنا... بس ده أخونا الكبير

مستر حازم : أخوكم آه .. لكن الكبير دى لا ماتعجزونيش
ياشيف

هيثم : هو يقصد كبير فى المقام ياريس
كريم : الله الله ده انت مش خريج سياحة وفنادق بس..
ده انت فوريجى كمان

كريم : هيثم ابن بلد ويعجبك يا حازم بيه
مستر حازم مسك سماعة التليفون وطلب سكرتيرته قائلا :
- سوزى من فضلك حيجيلك هيثم إبعثيه لشريف مدير
البرسونال يعمل اللازم بخصوص تعيينه وقولي له أن
حازم موافق على تعيينه. - إلا قول لى ياهيثم أخبار
الإنجليزى بتاعك إيه

هيثم : أنا واخذ كورس فى المعهد البريطانى
حازم : طيب قولي له هيشغل فى خدمة الغرف
ياللا ياسيدى روح لسوزى وهى حتفهمك على كل حاجة..
وخذ بالك إنت تحت الإختبار.. يعنى أى غلطة بره على
طول .. هنا مش حكومة ولا قطاع عام ، كريم عمل
اللى عليه ودخلك من الباب.. والباب هنا خرم الإبرة

...الباقى بقى ياشاطر عليك، يالا شد حيلك وانت ياسى
كريم إبقى هات لى أجازة الجواز علشان أعتمدها لك
كريم : الأجازة من إمبراح عند الأنسة سوزى
حازم : مبروك ووافقك لك على الأجازة ياسيدى
وانصرف «كريم» «وهيثم» من غرفة مكتب مستر
حازم، وقال كريم لسوزى :

- طيب يا آنسة سوزى ماوصكيش بقى على هيثم
سوزى : من عينيه ياشيف.. ياسلام انت تؤمر
كريم : طب حاسيبك أنا بقى وأروح أشوف شغلى...
سلامو عليكم

هيثم : وعليكم السلام

ونظر هيثم إلى الأنسة سوزى الجالسة وحاطه رجل
على رجل، بوجهها المبهر.. وقال وهو يتعالم:
هيثم : يا آنسة سوزى

سوزى : نعم ، ثانية واحدة

وأمسكت سماعة التليفون لتحدث مستر شريف مدير

البرسونال وقالت:

- مستر شريف، مستر حازم قال لي أطلبك بخصوص موظف جديد هو واقف قدامى دي الوقتى وكان عنده من دقيقة واحدة ، هو موافق عليه وعائزه فى قسم خدمة الغرف.. أيوه ورقه معاه ، طيب حابعتهلك حالا .

سوزى : شوف ياهيثم أول ما تخرج من المكتب تدخل شمال وتمشى على طول آخر مكتب على اليمين تسأل على مستر شريف

هيثم : ألف شكر يا أنسة سوزى

سوزى: على إيه

وخرج هيثم من مكتب «سوزى» متوجها حسب وصفها إلى مكتب مستر شريف لإنهاء إجراءات تعيينه من الكشف الطبى والدورة التدريبية للتوظيف بالأوتيل ، وهى دورة معتادة لكل المعينين الجدد للتعريف بالحقوق والواجبات وتعليمات الأمن والسياسة العامة لإدارة الفندق واستمرت إجراءات التعيين طوال الأسبوع السابق لفرحه على رشا وكريم على شربات

وخلال هذا الأسبوع - فى الصباح الباكر - يتوجه «هيثم» مع «كريم» إلى الفندق ، وعم «تامر» و«ماهيتاب» و«شربات» وأسرة «رشا».. الكل مشغول فى تجهيزات الفرح من اختيار العفش إلى الخروج لشراء مستلزمات الجواز والفرح، وكان حال «شربات» أفضل كثيرا من أخيها «هيثم» حيث أن كريم كانت شقته جاهزة من كله، يعنى كل اللي عليها التجيد وشوية رفايع ، واللى هون على «هيثم» المسألة كثيرا أنه حيتجوز فى شقة أبوه يعنى المسألة كلها غرفة نوم والتجيد

يوم الفرح

ويوم الفرح صباحا بدأت الاستعدادات وتعليق الأنوار، وبدأ وصول سيارات النقل حاملة الأقارب .. أعمامه وأخواله من الصعيد ، وجدوده ، ومنهم من أتى على ظهر الخيل والجمال .

واستيقظ أهل الشارع والحنة كلها على أصوات الصعايدة وهم ينزلون من السيارات النقل التي أفلتهم من الصعيد، وهم يصطفون ويتراصون بالزى الوطنى (يعنى الجلابية) وتحتها الصيديرى وطبعا العمة، وكلهم وقفوا في طابور لتهنئة عم تامر بجواز نجليه «هيثم» و«شربات»، حتى قام قائدهم بإعطاء التمام للكبير بأن العدد تمام والكل وصل سليما ما عدا اثنين وقعا من على العربية نمرة (٥) فى السكة ، واعتذر للكبير قائلاً: معلىش يا جد حابعت حالا أجيب اثنين غيرهم

ومن هو الكبير الذى يعطونه التمام وكل الاهتمام سوى (الجد) ، والجد هو الحاج هريدى حميدة عبد الجبار هريدى، وهو جد كل من عم تامر وماهيتاب ، وكبير

الهريدة فى محافظة قنا ، وفى تلك الأثناء استيقظ عم
تامر وماهيتاب وكل من فى البيت على صوت كالزلال
، وخشيت ماهيتاب أن يكون زلزالا فطمأنها عم تامر
قائلا « ياولية ماتخافيش ده يظهر الجماعة جُم من البلد
وخرج الجميع إلى البالكونات والشبابيك للوقوف على
مصدر هذا الصوت ، وأول ما شاف عم تامر بأن
الجماعة هم جماعته وشاهد جده الكبير واقفا يأخذ
التمام من واد عمه حميدة ، صاح مهلا وملوحا بيديه :
حمد الله على السلامة يا جد .. حمد الله على السلامة يا صميذة
ماهيتاب : الله ده أخويا زغلول والوحش والتمساح واقفين
هناك آهم

هيثم : إيه ده يا امه ، زغلول والوحش والتمساح بالذمة
دى اسماء !!

ماهيتاب : بس ياواد عيب دول أخوالك وولاد عم ابوك
وولادهم جايين يباركوا

وصاحت ماهيتاب مهلة وملوحة لهم

ماهيتاب : أهلا ياوحش أهلا ياتمساح أهلا يازغلول

وقام الخلان برد التحية على كل من عم تامر وماهيتاب بصوت رج المكان، وهرع الجميع لملاقاتهم واستقبالهم أمام المنزل فى الحارة، وكان هذا اليوم يوم فرح لأهل الحطة، الكل يشارك عم تامر فرحته، اللى بيعلق تعاليق هنا ونور وكهارب هناك لغاية الميدان ورمل بيترش وكراسى بتترص وفريق ثانى قاعد بيفك وينظف أجزاء البنادق الآلية والطبنجات لزوم تحية العريس فى الفرح، وأصبح المكان كأنه ساحة معدة للقتال كل واحد فيها عارف مهمته إيه، وأهم شىء إعطاء التمام للجد ورضا الجد . وفور أن دخل الجد إلى شقة حفيديه «عم تامر وماهيتاب» حتى بادر أولادهم قائلا:

- ألف مبروك ياهيثم ألف مبروك ياشربات ، عايزكم تشدوا حيلكم وتجييوا لنا أحفاد رجالة يشيلوا اسم هريدى الكبير، وطبعا زى ما انتوا عارفين انتوا أمل الهريدية كلتهم متعلق فيكم أنتم وخصوصا أنت ياهيثم هيثم : لسه بدرى يا جد

الجد : يا ولدى ياهيثم إنت عارف إن أبوك كان هو الأمل فى أخذ التار، لكنة هرب على مصر وانت الأمل

فى امتداد ذرية الهرايدة، ويسرد الجد القصة وهو متأثراً،
فالذكريات أثارت فى نفسه أحزاناً وشجوناً ، وقال:
- ما عايش فاضل من ولادى وأحفادى الاثنى عشر غير
ما هيتاب وعم تامر

هيثم : بس كده يا جد دول اثنى عشر بيبقى فاضل ١٠ راحوا فين؟
الجد : صحيح يا ولدى ٣ منهم ماتوا فى السجن
واثنى عشر خدوا إعدام وخمسة نادرين روحهم للتار
، وكلهم محرمين الحريم على نفسهم لغاية ما ياخدوا
بالتار من العبادده ، وأبوك هو الوحيد اللى هرب
من البلد وتمرد على عاداتنا وتجاليدنا وساب أهله
وناسه وجه هنا وعاش كيف المصاروه ما عايشين ،
فهمت يا ولدى ليه الأمل فيك كبير جوي، إنت أمل
الهريديه ومن غيرك ينقطع دابره من على الأرض
هيثم مطمئنا جده: ماتخافش يا جد حفيدك رادل ولد رادل ،
الجد : يعنى يا ولدى شهرين من اليوم بالتمام والكمال
تشد لى تليفون وتجول لى مرتى حبله فى شهرين وبعد
كده ٩ أشهر من اليوم وتكلمنى وتجول لى يا جد جبت من
الرداله توم ، لكل ولد منهم عشر فدادين باسمه هدية منى

بره ورث أبوك، ده غير ١٠ فدادين باسمك انت كمان
شريات : وأنا يا جد ماليش من الحب جانب
الجد : لايابنتى ما انت الولاد مايشيلوا غير اسم أبوهم، لكن والله
لكل ولد خمسين ألف جنيه.. وانت يا هيثم زيهم.. مبسوط؟! !
ماهيتاب قائلة: ادخل يا هيثم هات بدلة الفرح وريها لجدك
وانصرف هيثم مسرعا لإحضار بدلة الفرح والقميص
والبيبيون ودخل غرفته وأحضر البدلة ودخل على جده قائلاً :
- شفت يا جدى اهى دى آخر صيحة من باريس
الجد : امشى يا ولد روح وديها مطرحها... بدل إيه
وكلام فارغ إيه

ماهيتاب : امشى يا هيثم روح البس البدلة وتعالى ورى جدك
شريات : والله يا جدى دي البدلة حتاكل منه حته
ياستى احنا مش عايزين اللى بتاكل منه حته ..
احنا عايزينه صحيح كده لغاية ما يخلف لنا الذرية
الصالحة وبعد كده إن شاء الله تاكله كله مش مهم .
وهنا دخل هيثم للبس البدلة كاملة والبيبيون والقميص
وقال لجدده وهو مزهواً بنفسه

هيثم : شفت ياجدى

الجد: شفت إيه.. ده لبس ده ..امشى ياولد روح اقلع
الخلجات الخواجاتى المسخرة دى والبس.. لبس فرحك
أنا جايبهولك معاى ،حاجة عليها القيمة صحيح
وهنا تتبه الجد لأمر هام كان قد نسيه وتذكره فجأة
فصاح فى حفيده عم تامر قائلا :

- ألا قول لى ياواد

هيثم : أيوه ياجد

عم تامر :أيوة ياجد

الجد : لا الواد الكبير

عم تامر : أوامر ياجد

الجد : اتفقتو مع مين ياجى يحيى الليلة

عم تامر: عايز حد معين ياجد؟

الجد : أيوه دى ليلة كبيرة ولازم اللى يحييها يكون

مغنواتى كبير

ماهيتاب : تحب تجيب مين ياجد ؟

الجد : أبو دراع ومحمد طه

هيثم : بس دول ماتوا يا جد

الجد : وياه يعنى هاتوا أى حد من ولادهم من الصبيطة

ورد الجميع باستغراب فى صوت واحد (ولادهم) !!

الجد : ولادهم راح يكونوا ردالة زييهم مش عيال

خنافس زى بتوع اليومين دول اللى من غير ميكرفون

لازم يحط خاشمه فى ودنك عشان تسمعه ..

هيثم : ولو ولادهم مش موجودين يعنى ماتوا والا سافروا !

الجد : ولو ولاد ولادهم المهم خد من دول وإلا أقسم بالله ..

هيثم : لا والله يا جد ماتزعل نفسك، ليك عليّ أجيب لك

أبو دراع ومحمد طه بنفسهم

الجد : سبحان الله إنت مش لسه قايل إنهم ماتوا يا ولد !

هيثم : أنا حاتصرف يا جد

قامت «ماهيتاب» من غرفة الصالون ونادت على

«هيثم» للحاق بها خارج الغرفة ، وتسأله قائلة :

- ورطة إيه دى بقى اللى انت وقعتنا فيها

هيثم : ورطة إيه بس؟

ماهيتاب : إنت ياواد مش لسه قايل لجدك إنك حتجيب
محمد طه وأبو دراع !

- حجبيهم ماتقلقيش أنا حاتصرف

- واد.. هو أنا كمان حتضحك علي ،أما أشوف اللي
حيتصرف ده حيعمل إيه!!

وفى تلك الأثناء نادى الجد على ماهيتاب:

- ياما هيتاب يابنتى ماتحطي لنا لقمة أحسن
الواحد على لحم بطنه يابنتى من ليلة إمبراح
أحضرت ماهيتاب حنة جينة قريش وكباية لبن
الجد :طيب على قولك ده ليه..وفين جوزك والبنت المليحة دى
ماهيتاب: لا ما أنا عارفه هم بيحبوا إيه.. المهم كل
إنت يا جد بألف هنا وشفا

الجد: المهم ولاد أعمامك وأخوالك اللي تحت شوفيهم
ياكلوا إيه؟

وجاء المساء وأضاءت الكهارب والأنوار الشارع وكل
الشوارع المحيطة وحتى مقام سيدى عم مرزوق،

والكل جاى يهنى وبيبارك لعم تامر-حبيب الكل- فى زواج وحيد «هيثم» وزهرة بنات الحنة «شربات» وبدأت الزفة وبنات الحنة فى الشباييك والبلكونات ودموعهن على خدودهن وهن يسمعن أغنية نجات «ساكن قصادى وبحبه» كل واحدة فيهم كان نفسها تفوز بهيثم الصعيد أبو الرجولة كلها ونزل «هيثم» من البيت مرتدياً الجلاباب الصعيدى والعمامة كما أمر الجد، وما إن نزل هيثم حتى بدأ إطلاق النار بكثافة فى الهواء.. الكل بيتحى عم تامر من أبناء العمومة، وكان «هيثم»- زينة الشباب- وعروسه «رشا» تمسك بذراعه خوفا ورعبا من إطلاق النار وجاءت سيارة فارهة ..العروس شربات قادمة من عند الكوافير، ونزلت «شربات» متأبطة ذراع عريسها «كريم» وبدأت الزفة بالطبول والمزامير وغناء فرقة الزفة وكان فى انتظار «هيثم» حصان أبيض كان أبناء عموته قد أحضروه وزينوه لزفة هيثم وعروسه، وركب هيثم الحصان ولا أجدعها خيال والحصان يتراقص على صوت المزمارة ودق الطبول ولكن.. يافرحة ماتمت.. أثناء زفة العريس وقع هيثم من على الحصان وأصيب إصابة بالغة، فقد على

أثرها فحولته وانتهت ليلة الدخلة بمستشفى أم المصريين
ووقفت «رشا» بجوار عريسها حتى تم علاجه فى
المستشفى وعاد للبيت وقالت له:

- حمد الله على السلامة يا حبيبي .. الدكتور طمنا وقال
فيه أمل للعلاج برة

هيثم : برة إيه وجوه إيه أنا مش خارج من البيت ده خالص
.. أنا حالبس طرحة .. أنا بقيت... (وراح فى البكاء)
ماهيتاب تنادى من خلف باب غرفة هيثم ...
- ها يا اولاد أحضر لكم بقى لقمة تاكلوها ..
عامله لكم شوية حمام بالفريك وشوية شوربة
يستاهلوا بكم... ها يا هيثم أجيب الأكل وآجى
هيثم : حمام !! حمام إيه يا ام هيثم ما خلاص ما عاdash
بيجى منه

رشا : تعالى يا ماما ادخلى تعالى يا حبيبتى

هيثم : لا والنبي يا امه شيلى الأكل ماليش نفس

ماهيتاب : لا لازم تاكل انت عريس.. لا زم تتقوى الأكل
هو اللي حيخليك كويس

هيثم : (بيكى) ياريتها بالأكل يا ام هيثم ياريتها بالأكل
ماهيتاب : قوم انت بس اتوضأ وصلى ركعتين وادعى
وشوف ربنا حيكرمك إزاي

ومضت عدة أيام حتى استعاد هيثم صحته وتحسنت
حالته النفسية وكان لابد من العودة للعمل، فقد انتهت
إجازة شهر العسل ولم يكن هيثم يدري بأن هناك من يراقبه
منذ التحق بالعمل فى الفندق وكانت حادثة زفاهه بمثابة
نقطة الضعف.. لم يراقبونه ليطلبوا من بغيتهم وبالفعل
نجحوا معه بعد عدة محاولات وبعد وعده بإجراء عملية
جراحية ناجحة ومضمونة له فى أكبر مستشفيات العالم
فى هذا التخصص لإعادة رجولته وكل ما هو مطلوب منه
فقط تقديم كأس به سم قاتل لأحد الشخصيات السياسية
الأجنبية سيحضر إلى الأوتيل فى مؤتمر فى يوم هم
سيعرفونه به لاحقا ،المهم أن يوافق على تنفيذ المهمة
تردد هيثم كثيرا فى قبول المهمة .. إلا أن إغراء
العصابة الإرهابية بعلاجه، بالإضافة إلى مليون
جنيه بعد انجاز المهمة بالإضافة إلى تهديدهم بقتل
كل أفراد أسرته... كل ذلك جعله يوافق على مضمض

يوم التنفيذ وهو عذر القدر

وفى يوم التنفيذ .. انه القدر مرة أخرى، يدخل هيثم إلى قاعة الاحتفالات الكبرى بالفندق الذى يعمل به وكان يوم انعقاد المؤتمر وتكتظ القاعة بالشخصيات العامة والسياسيين والسفراء الأجانب والبودى جارد والحرس يملؤن المكان .. وقامت العصابة الإرهابية بتحديد الشخصية الأجنبية المطلوب تقديم السم لها وتم تحديد الكأس من بين الكؤس المقدمة؛ ليقدمه هيثم للشخص المستهدف، ودخل هيثم متوجهاً نحو هذه الشخصية إلا أنه كانت هناك مفاجأة لتنتظر هيثم لم يتوقعها أبداً ولم تكن فى الحسبان فما ان شاهد الشخص الجالس بجوار الشخص الاجنبى المقصود بالقتل حتى وقعت من يديه الصينية والكؤس على الأرض، وجرى مسرعاً وقفز فوق الترابيزات والكراسى متوجها نحو الشخص الجالس بجوار الشخص الأجنبى ليأخذه بالاحضان والتقبيل .. إنه مثله الأعلى وحلم حياته ان يقابله ولو مرة واحدة ها هو معه وجهها لوجه إنه الفنان عادل إمام سفير النوايا الحسنة

مما تسبب فى هرج ومرج فى القاعة وتقدم الحرس نحو «هيثم» ليفتكوا به إلا أن الفنان «عادل إمام» حال دون وقوع أذى لهيثم وتم تدارك الأمر بالقاعة وتم إعادة ترتيبها وقال «هيثم» للفنان «عادل إمام» ودموعه تسبقه معلىش يا أستاذ أنا فرحتى لما شفتك نسييتى نفسى والله يا استاذ عادل أنا مافيش فيلم ولا مسرحية لحضرتك الأ لما دخلتها وكنت مرة حاموت تحت الرجلين يوم افتتاح فيلمك الأخير علشان أقابلك وماعرفتش الفنان عادل إمام : انت أسمك ايه؟

هيثم : هيثم عم تامر حضرتك

الفنان عادل إمام : إنت منين يا هيثم؟

هيثم : أنا من قنا من الهرايدة

الفنان عادل إمام : الصعايدة أجدع ناس، وخريج إيه يا هيثم؟

هيثم : الله يحفظك يا أستاذ عادل ده من أصلك ..أنا خريج سياحة وفنادق

الفنان عادل إمام : وبتحب التمثيل يا هيثم؟

هيثم : والله يا أستاذ عادل انا حاسس إني فنان ..أنا

حافظ كل أدوارك

الفنّاد عادل إمام : طيب يا هيثم زي مانت شايف احنا دي
الوقتى فيه مؤتمر، إنت تفوت علي فى مكتبى وسكرتيرى
حيدي لك العنوان وحاشوف إذا كانت عندك موهبة والا لأ
هيثم : والله أنا مامصدق نفسى إنى واقف قدامك يا أستاذ
الفنان عادل إمام : لا صدق .. وانا حاساعدك
هيثم : والنبي يا أستاذ عادل فيه سر مهم قوى عايز اقول لك
عليه بس أرجوك خذ الضيف اللي معاك ده وامشوا من هنا
الفنان عادل إمام : ليه ياابنى فيه إيه؟

هيثم هامساً فى أذن عادل إمام:

بصراحة فيه عصابة إرهابية كانت مخططة تقتل
الخواجة اللي قاعد جنبك ده

الفنان عادل إمام : ده كلام خطير يا هيثم !..
هيثم : وخطير عليّ انا كمان والله، بس لولا إن أنا باحبك
الفنان عادل إمام : لا الكلام مش حينفع هنا تعالى
نخرج نتكلم بره أحسن ..

ونادى الفنان عادل إمام على البودى جارد ومدير أمن الأوتيل وأخذ هيثم لقاعة مجاورة لقاعة المؤتمر واتصل بأحد المسؤولين وابلغته بأقوال هيثم .. وسرعان ما حضرت قوات لتأمين الأوتيل وضيوف المؤتمر، وتم التحقيق مع هيثم واعتبروه شاهد ملك وتم القبض على أفراد العصابة الإرهابية وتكفل الفنان عادل إمام بسفر هيثم للعلاج فى الخارج، وعاد هيثم بعد إجراء العملية. وتماتل للشفاء ولم يكن أبداً يتوقع أن يكون الفنان عادل إمام بنفسه فى استقباله بالمطار وعروسه رشا وعم تامروالست ماهيتاب وشربات وكريم .

وبعد مرور شهرين من عودة عم تامر معافى إلى عروسه أرسل برقية للجد يخبره فيها (مبروك يا جد المدام حامل والردالة فى السكة) .

وهكذا كان مشوار عم تامروهيثم طويلاً.. ولكننا نكتشف أننا مهما حلمنا وخططنا فللقدر الكلمة الاخيرة.

